



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 59. Decretum Innocentii XII. Papæ in caussa Mechlinensis Archiepiscopi.

[urn:nbn:de:hbz:466:1-67627](https://nbn-resolving.de/urn:nbn:de:hbz:466:1-67627)

INNOC. XII. P. LEOPOLD. I. ROM. IMP. 170

Pariter mortis necessitati cesserunt hoc Sæc. XVII.
anno Scriptorum Acatholicorum A. C. 1693.
nonnulli, quorum opera recensere lu-
bet, & quidem I. Gebhardus Meierus *Witte biogr.
Diar.*
scripsit introductionem ad universum
Theologiæ moralis studium, Chilias-
mum profligatum, Historicam relatio-
nem de Canonum Collectionibus, Hi-
storiā religionum ab Orbe condito,
atque animadversionem Petersenii. II.
Isaac Avuhaf in Judaismo natus, postea
Baptizatus, ac demum ad vomitum
reversus edidit R. Abraham Cohen Iri-
tæ Beth Elohim, Domum Dei, &
Schaar Haschamajim, præter portam
cæli. III. Joannes Daniel Major scri-
psit de Christo Medico, & de jejuno
Christi. IV. Nathanael Falckius po-
steris reliquit tractatum de dæmonolo-
gia recentiorum falsa, septennarium
Sacrum Concionum, præter disputatio-
nes. V. Joannes Schubart vulgavit
exercitium Theologicum de Providen-
tia Dei, & assertiones Theologicas de
prædestinatione.

§. LIX.

*Decretum Innocentii XII. Papæ in
causa Mechliniensis Archi-
episcopi.*

M 2

Post-

Sæc. XVII. Postquam Mechliniensis Archiepiscopi
 A. C. 1694. formula, necnon Patris Desirantii
 & Doctoris Hennebeli scripta ultro ci-
Acta Concil. troque non sine diuturno, maturoque
Hard. t. II. examine discussa fuere, omnes S. Con-
 pag. 157. gregationis Patres (exceptis tribus Car-
Recueil Hist. dinalibus) censuerunt, nova Constitu-
Bull. Ec. pag. 315. tione Apostolica cuncta hucusque con-
 tra Jansenium decreta esse confirmanda,
 simulque puræ ac simplicis formulæ
 usum denuo præscribendum esse: Igi-
 tur ex horum sententia Innocentius
 Papa die vigesima octava Januarii se-
 quens promulgari jussit Decretum:

„Sanctissimus D. N. P. Innocentius
 „XII. auditis votis D. D. Cardinalium
 „ad præcavendas omnes dissidiorum
 „causas, quæ Christianam pacem di-
 „lacerant tam verbis, quam scriptis su-
 „per interpretatione seu declaracione
 „Formularii Alexandri VII. in condem-
 „natione quinque Propositionum ex Li-
 „bro Cornelii Jansenii, cui titulus est:
 „Augustinus excerptarum, & damnata-
 „rum quoscunque alios sensus Formu-
 „larii prædicti, præter eum, quem in
 „sensu obvio ipsius verba exhibent, afferri
 „usurpari, aut de his disputari inter-
 „dixit, & prohibuit, ac super ejusdem
 „Formularii interpretatione, sicut &
 „prædictarum Propositionum in alios
 „sensus, præter eum, quem ipsa verba
 „pe-

„per se exhibent, omnibus & singulis Sæc. XVII.
„cujusvis Religionis, Ordinis, Congre- A. C. 1694.
„gationis, Instituti, & Societatis etiam
„de necessitate exprimendæ, Regulari-
„bus, & aliis quibuscumque tam Ec-
„clesiasticis, quam sæcularibus per-
„nis cujuscumque status, conditionis,
„gradus, Ordinis, & dignitatis tam
„Ecclesiasticæ, quam sæcularis perpe-
„tuum silentium imposuit. Omnes vero
„Libros, Tractatus, Theses, compo-
„sitiones, scripta ex professo, vel inci-
„denter, sub quovis prætextu, & oc-
„casione in lucem editos, vel edita su-
„per hujusmodi materia prohibuit, &
„pro prohibitis haberi voluit, & man-
„davit: Iisdemque personis supra enu-
„meratis districte injungit, ne imposte-
„rum audeant imprimere, vel imprimi
„facere: seu quoquo modo in lucem
„edere Libros, Tractatus, Theses,
„compositiones, & scripta de supradicta
„materia tractantes, seu tractantia. Et,
„ut hujusmodi Decretum inviolabiliter
„super omnibus in eo contentis obser-
„vetur, præcepit, & declaravit, Con-
„travenientes, pœnas privationis di-
„gnitatum, & Officiorum suorum, vo-
„cis activæ, & passivæ, Facultatis con-
„cionandi, publice legendi, docendi &
„interpretandi ipso facto, absque alia
„declaratione incurrere, & aliis etiam

M 3

,,pœ-

Sæc. XVII. „pœnis Sanctitatis suæ & Successorum
A. C. 1694: „fuorum Romanorum Pontificum ar-
 „bitrio subjacere, librosque omnes,
 „Tractatus, Theses, Compositiones &
 „scripta, quos, seu quæ contra dicti
 „decreti tenorem edi contingenteret, abs-
 „que alia declaratione tanquam ex-
 „presse prohibitos, vel prohibita haberi,
 „& impressores præter amissionem Li-
 „brorum, pecuniis, aliisque Corpora-
 „libus pœnis teneri, præcepit & man-
 „davit. „

§. LX.

*Epistola ejusdem Pontificis ad Belgii
 Episcopos circa idem decretum.*

*Argentre
 Coll. Jud.
 p. 3, fol. 390.*

Ut vero hoc decretum executioni da-
 retur, motæque controversiæ circa
 juramenti formulam soparentur, Inno-
 centius XII. Papa illud ad Belgii Epi-
 scopos transmisit, quoniam vero nimis
 solemne erat illo ævo, ut omnes, qui
 Molinistarum opinionibus adversaban-
 tur, tanquam Jansenii fautores tradu-
 cerentur, atque invidioso Jansenistarum
 nomine nuncuparentur, plerumque eo
 fine, ut tales ab officiis, Academiis,
 dignitatibus, Beneficiis, aliisque fun-
 ctionibus arcerent, & sese loco ipsorum
 ejusmodi accusatores intruderent, hinc
 Pontifex hanc calumniandi licentiam
 inhi-